

新

書

冊

一



新書

四倍謝要

四部備要

子部

上海中華書局據抱經堂

叢書本校刊

桐鄉 陸費達總勘

杭縣 高時顯輯校

杭縣 吳汝霖校

丁輔之監造

重刻賈誼新書序

西漢文武之世有兩大儒焉曰賈子曰董子皆以經
生而通達治體者也二子之書世多有顧其善本絕
少余不揣固陋竝爲校讎賴友朋之助先以賈子開
雕旣成因爲之序其緣起曰班書藝文志儒家載賈
誼五十八篇今世所行本其目祇五十有六然過秦
有三篇而唯載上下兩篇又禮容語宋本分上下兩
篇而本復不分故視漢志所載缺其二篇隋書經籍
志載賈子十卷錄一卷舊唐書志則云九卷其稱賈
子則同新唐書志始稱賈誼新書其卷則十隋唐志
俱同漢志列儒家至宋志乃妄生異見入之雜家此
如劉子政推崇賈董比之伊管而其子歆則謂其父
之言爲過何以異人所見不盡同顧若是哉陳振孫

直齋書錄載賈子十一卷云首載過秦論末爲弔湘賦且略節誼本傳於第十一卷中其書非漢書所有者輒淺駁不足觀決非誼本書余謂此書必出於其徒之所纂集篇中稱懷王問於賈君又勸學一篇語其門人皆可爲明證但多爲鈔胥所增竄凡漢書所有者此皆割裂偵到致不可讀唯傳職輔佐容經道術論政諸篇在漢書外者古雅淵奧非後人所能僞撰而陳氏乃反謂其淺駁豈可謂之知言者哉此本十卷据宋本目錄增多過秦論中一篇定爲五十八篇中有其目而亡其書者二焉謂與漢志適脗合余亦未敢信然蓋容有出於後人之所分析者至其甚謬者則略爲刊正之已世每以文帝不能用賈生爲惜然生之言後多見之施行則不用而用已過畢矣

在生宜可無恨以視夫其身尊榮顯赫而尺寸曾不得展者所得爲孰多乎哉余所校据兩宋本而誼所爲賦不在書中則非卽陳氏所見者卷末傳非漢書本文今姑沿其舊後有復梓者終當全載孟堅之所撰爲得云

皇帝六巡江浙之歲三月舊史氏盧文弨書於杭東里之抱經堂

舊序

賈子序

賈子者賈誼新書也奚稱賈子子之也賈子賈子作乎類賈子之言者作也漢興誼文最高古然誼陳說治理善據事實識要奧一一可措之行蓋管晏之儔焉故曰誼練達國體云誼文高古最者太史公業裁之入史記矣後人或撫其創草及他篇簡論說不忍遂捐棄於是類之稱書焉如過秦論太史公業裁入之矣褚先生又取其餘附之後今爲三篇云亦有一事一義而篇二三者或二篇而雜之一如治安策攬截無復緒理可尋乃其宏識巨議故皎皎如日星如江河地中不得掩沒之矣此書宋淳熙閒嘗刻潭州淳祐閒又刊脩焉時已稱舛缺及刻本失士夫家轉

鈔一切出吏手吏苦其煩也輒任減落其字句久之
眩或踰行竄其字句重復訛之士夫者又靡之校也
故其書愈舛缺不可讀宏治閒都進士穆得此書於
樂平喬公刻之京師已復有翻刻者顧仍舛缺也予
今刻則略校之矣然卒莫之質補之也麟甲鳳毛僅
存見於世者此耳幸邪悲邪賈子十卷共五十八篇
內亡其三篇明正德八年歲在癸酉冬十一月北郡
李夢陽撰寓白鹿洞書院

新書序

余昔承乏選部時偶於京國書肆中得賈太傅新書
鈔本凡若干卷余手披目覽口誦心惟始而駭終而
不知神與之接融融瀼瀼不知旨之樂之詠之歎之
於是乎乃知太傅之生值漢室初造光嶽氣完之時

通乎天人精微之蘊窮乎歷代治亂之故洞乎萬物
榮悴之情究乎禮樂刑政之端貫通乎仁義道德之
原故正言竝議卓卓乎其奇偉悠悠乎其深長鑿鑿
乎其有援據如江河盪涵而莫測其涯也如風霆變
化而莫見其迹也如雲霞卷舒出沒晦靄千態萬狀
而莫可名言也世之稱近古者亦在是矣所宜珍重
不啻若湯盤周鼎而毋敢忽耳正德甲戌余致政家
居長沙郡守陸公以誼謫于長沙去今千有餘歲國
朝旣崇祀享之禮但傳長沙時所著新書獨無傳焉
乃檢閱郡齋故櫝中得版刻數十片計其脫落尙多
因詢于予予卽出是本補刻遂成完書屬予爲序予
惟太傅高世之才殆出天縱漢劉向稱其通達國體
雖古之伊管未能遠過班史痛其不用但謂其天年

蚤終雖不至公卿未爲不遇誼過長沙作賦以弔汨羅而太史公傳於屈原之後明其若屈原之忠而遭棄逐也宋歐陽公謂其所陳孝文略施其術猶能比德于成康況用于朝廷之閒坐于廊廟之上則舉大漢之風登三皇之首猶決壅裨墜爾蘇公論其爲王者之佐如其所言雖三代何以遠過此數公者故有定論誠毋容加喙于其閒顧其書之在霄壤中上則爲德星爲慶雲下則爲朱草爲醴泉光景常新而精神不虧互萬古猶一日柰何自宋淳熙辛丑提學漕使程公版刻之後三百餘禩僅得一陸公補輯殘缺爲書再行是何寥寥知賞之難也非惟嘉惠後學廣其見聞以資博識慎而擇之而立身行己之道亦寓焉中閒如鑒秦俗之薄惡指漢風之奢僭請定經制

述三代之長久深戒刑罰明孤秦之速亡譬人主之
如堂所以優臣子之禮置天下于大器所以示安危
之機凡憂民傳職官人大政等篇皆經濟之大略又有
國與天下者之所當鑒也郡守公名相字良弼宏治
癸丑進士累官南京吏曹郎中英名偉績有所自也
政尚平恕有古循吏風今觀是益可見其知所擇而
其蘊畜之富未可量也故不揆愚陋僭書于端以識
歲月云正德九年菊月吉日賜進士出身嘉議大夫
都察院右副都御史長沙黃寶序

新書讎校所据舊本

建本

是宋時刻本明毛斧季吳元恭皆据以改近世之本宋即有謬誤亦悉仍之

故不知是何年所梓唯目錄後有建寧府陳八郎書鋪印行故今稱為建本

潭本

宋淳祐八年使本重雕刻即從淳熙八年程潛使本重雕刻者題賈子

吳郡沈頡本

明宏治十八年刻毛斧季就謄宋建本明於此本上其吳元恭所用之本雖

無沈頡名而實不異當是沈名後來刊去也其第七卷中缺退讓篇吳据宋本抄補而毛本則此

仍闕此篇

李空同本

明正德八年刻亦名賈子後有欽遠猷本者不知何年刻合郴陽何燕泉本長沙

竄改又於過秦論後補審取舍義一篇乃錄大戴禮記禮察篇

全文今不用

陸良弼本

明正德九年為長沙守時刻

程榮本

刻漢魏叢書內

何允中本

二本皆同出陸本

江陰趙曦明敬夫校

餘姚盧文弨召弓父合衆本校

李空同本

吳陸水諸本

戰本

較本

徐書

新書目錄

卷一

過秦上

過秦中

過秦下

宗首

數寧

藩傷

藩彊

大都

等齊

服疑

益壤

卷二

權重

五美

制不定

審微

階級

卷三

俗激

時變

瑰瑋

孽產子

銅布

壹通

屬遠

親疏危亂

憂民

解縣

威不信

卷四

匈奴

勢卑

淮難

無蓄

鑄錢

卷五

傳職